



Odbor za dodjelu "Šestoaprilske nagrade Grada Sarajeva"

Broj: 04-GV-05-1875/22

Datum: 09.12.2022. godine

ZAPISNIK O RADU PRVE SJEDNICE
ODBORA ZA DODJELU „ŠESTOAPRILSKE NAGRADE GRADA SARAJEVA“ U
2023. GODINI
ODRŽANE 09.12.2022. GODINE

Prisutni:

1. Adi Škaljić, predsjedavajući
2. Vedad Deljković, zamjenik predsjedavajućeg
3. Biljana Lazarević, članica
4. Mirela Džehverović, članica
5. Drago Jurić, član
6. Toni Vukadin, po ovlaštenju, umjesto Almedina Miladin, člana
7. Elvedin Korora, član
8. Prof.dr. Jasmina Selimović, članica
9. Prof. dr. Hadžan Konjo, član
10. Doc.dr. Šahim Kahrmanović, član
11. Mirza Pašić, član

Odsutni: Mirsada Murtić, dr.sc, članica, Edin Deljković, član

Sjednici prisustvovali:

- Jasmin Ademović, predsjedavajući Gradskog vijeća
- Mila Eminović, sekretar Gradskog vijeća
- Mirjana Đanović Stanić, rukovodilac Stručne službe za poslove Gradskog vijeća

Predsjedavajući Gradskog vijeća Jasmin Ademović koji je sazvao prvu sjednicu Odbora, pozdravio je prisutne.

Konstatovao je da se pozivu za sjednicu, od 13, odazvalo 10 članova Odbora izabranih odlukom Gradskog vijeća o imenovanju Odbora za dodjelu „Šestoaprilske nagrade Grada Sarajeva“ u 2023. godini koji su time prihvatili prava i obaveze člana Odbora za dodjelu „Šestoaprilske nagrade Grada Sarajeva“ u 2023. godini. Zatim je konstatovao da sjednica Odbora ima kvorum za punovažan rad i odlučivanje i otvorio sjednicu.

Sjednica je počela s radom jednoglasnim usvajanjem sljedećeg dnevnog reda:

1. Konstituiranje Odbora za dodjelu „Šestoaprilske nagrade Grada Sarajeva“ u 2023. godini (izbor Predsjedavajućeg i zamjenika predsjedavajućeg Odbora za dodjelu „Šestoaprilske nagrade Grada Sarajeva“ u 2023. godini)
2. Donošenje Poslovnika o radu Odbora za dodjelu „Šestoaprilske nagrade Grada Sarajeva“ u 2023. godini

3. Donošenje Dinamike rada Odbora za dodjelu „Šestoaprilske nagrade Grada Sarajeva“ u 2023. godini
4. Usvajanje teksta Javnog poziva o uslovima i načinu predlaganju kandidata za dodjelu „Šestoaprilske nagrade Grada Sarajeva“ u 2023. godini
5. Utvrđivanje dinamike objave Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini u štampanim i elektronskim medijima javnog informisanja i zvaničnoj web stranici Grada Sarajeva
6. Predlaganje i utvrđivanje spiska afirmiranih strukovnih udruženja od značaja kao i sindikata iz oblasti u kojima se Nagrada dodjeljuje
7. Tekuća pitanja

Ad 1) Konstituiranje Odbora za dodjelu „Šestoaprilske nagrade Grada Sarajeva“ u 2023. godini (izbor Predsjedavajućeg i zamjenika predsjedavajućeg Odbora za dodjelu „Šestoaprilske nagrade Grada Sarajeva“ u 2023. godini)

Uvodne napomene je dao Predsjedavajući Gradskog vijeća Jasmin Ademović, podsjetivši da je, pored preuzimanja prava i obaveza izabranih članova Odbora, izabrati i predsjedavajućeg i zamjenika predsjedavajućeg Odbora, da bi Odbor bio konstituisan.

Iz rasprave je proizašao prijedlog da predsjedavajući Odbora bude Adi Škaljić, gradski vijećnik, a zamjenik predsjedavajućeg Vedad Deljković, također gradski vijećnik.

Budući da u raspravi nije bilo drugih prijedloga, uslijedilo je glasanje.

Poslije izjašnjavanja, predsjedavajući Gradskog vijeća Jasmin Ademović je konstatovao da su članovi Odbora, jednoglasno, izjasnivši se sa 10 glasova „za“, bez glasova „protiv“ i bez „suzdržanih“ glasova, za predsjedavajućeg Odbora izabrali Adija Škaljića.

Poslije izjašnjavanja, predsjedavajući Gradskog vijeća Jasmin Ademović konstatovao je da su članovi Odbora, jednoglasno, izjasnivši se sa 10 glasova „za“, bez glasova „protiv“ i bez „suzdržanih“ glasova, za zamjenika predsjedavajućeg Odbora izabrali Vedada Deljkovića.

Predsjedavajući Gradskog vijeća Jasmin Ademović je zatim, konstatovao da je činom izbora predsjedavajućeg i zamjenika predsjedavajućeg Odbora, okončano konstituisanje Odbora za dodjelu „Šestoaprilske nagrade Grada Sarajeva“ u 2023. godini.

Uz čestitku izabranima, poželio je uspjeh u radu Odboru u izlaganju sljedećeg sadržaja.

Važno je da svi članovi prisustvuju sjednicama i da Odbor radi u kompletnom sastavu.

Također, važno je da se informacije o radu Odbora ne šire van ovog skupa, dok Odbor ne utvrdi konačan prijedlog kandidata za Gradsko vijeće. Takvim postupanjem štiti se integritet svih kandidata koji budu predloženi, ali i članova Odbora. Takvim postupanjem čuva se i dignitet same nagrade, ali i Grada Sarajeva kao institucije.

Istakao je da nema sumnje da će svako od članova Odbora razmotriti pristigle prijedloge (obično to bude veliko štivo za čitanje koje traži vrijeme) i cijeniti doprinos svakog predloženog kandidata u okviru kriterija utvrđenih Odlukom o uslovima i načinu dodjele “Šestoaprilske nagrade Grada Sarajeva”.

Naglasio je značaj svakog člana Odbora pojedinačno, odnosno njihovih posebnih zanimanja, saznanja i razvijenih vlastitih kriterija, na koje će se članovi Odbora osloniti pri ocjeni doprinosa svakog od predloženih kandidata za Nagradu.

Zatim je pozvao novoizabranog predsjedavajućeg Odbora da preuzme vođenje sjednice.

Vođenje sjednicom je preuzeo Adi Škaljić, predsjedavajući Odbora.

U svom uvodnom obraćanju, zahvalio se članovima Odbora na povjerenju koje su mu ukazali upravo izvršenim izborom. Iskazao je svoje očekivanje da će se proces predlaganja kandidata za Nagradu u 2023. godini voditi uspješno, te da će Odbor, na kraju, Gradskom vijeću predložiti kandidate koji su svojim radom dali doprinos ukupnom razvoju grada Sarajeva i njegovoj promociji, takav da će biti stvarno značajan i vrijedan „Šestoaprilske nagrade Grada Sarajeva“ i takav da ga prepoznaju građani Sarajeva.

Usljedilo je kratko predstavljanje članova Odbora.

U međuvremenu se radu Odbora pridružila i članica prof.dr. Jasmina Selimović, te je predsjedavajući Odbora konstatovao da sjednici prisustvuje 11 članova Odbora.

Ad 2) Donošenje Poslovnika o radu Odbora za dodjelu „Šestoaprilske nagrade Grada Sarajeva“ u 2023. godini

Poslije uvodnih napomena, rasprave i sažetka predsjedavajućeg, Odbor je jednoglasno usvojio sljedeći **zaključak:**

1. Usvaja se Poslovnik o radu Odbora za dodjelu „Šestoaprilske nagrade Grada Sarajeva“ u 2023. godini koji je u prilogu ovog akta.
2. Do sljedeće sjednice Odbora, koja se planira održati u četvrtak 19.01.2023. godine, članovi Odbora će razmotriti usvojeni Poslovnik o radu Odbora te predložiti eventualne izmjene, odnosno dopune, a sve s ciljem što boljeg uređivanja rada Odbora.

Ad 3) Donošenje Dinamike rada Odbora za dodjelu „Šestoaprilske nagrade Grada Sarajeva“ u 2023. godini

Poslije uvodnih napomena, rasprave i sažetka predsjedavajućeg, Odbor je jednoglasno usvojio sljedeći **zaključak:**

Usvaja se Dinamika rada Odbora za dodjelu „Šestoaprilske nagrade Grada Sarajeva“ u 2023. godini, a koja je sastavni dio ovog akta.

Ad 4) Usvajanje teksta Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini

Poslije uvodnih napomena, rasprave i sažetka predsjedavajućeg, Odbor je jednoglasno usvojio sljedeći **zaključak:**

1. Usvaja se tekst Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini koji je u prilogu ovog akta.
2. Usvaja se i skraćeni tekst Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini (koji će spiker čitati u TV objavama Javnog poziva), a koji je u prilogu ovog akta.

Ad 5) Utvrđivanje dinamike objave Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini u štampanim i elektronskim medijima javnog informisanja i zvaničnoj web stranici Grada Sarajeva

Poslije uvodnih napomena, rasprave i sažetka predsjedavajućeg, Odbor je jednoglasno usvojio sljedeći **zaključak:**

Utvrđuje se dinamika objave Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini u štampanim i elektronskim medijima javnog informisanja i zvaničnoj web stranici Grada Sarajeva, koja je sastavni dio ovoga akta.

Ad 6) Predlaganje i utvrđivanje spiska afirmiranih strukovnih udruženja od značaja kao i sindikata iz oblasti u kojima se Nagrada dodjeljuje

Poslije uvodnih napomena, rasprave i sažetka predsjedavajućeg, Odbor je jednoglasno usvojio sljedeći **zaključak**:

1. Članovi Odbora su predložili sindikate, odnosno strukovna udruženja i druge subjekte kojima će se uputiti Javni poziv o uslovima i načinu dodjele „Šestoaprilske nagrade Grada Sarajeva“ u 2023. godini koji je u prilogu ovog akta kako slijedi.
 - Udruženje likovnih umjetnika BiH
 - Udruženje likovnih umjetnika primijenjenih umjetnosti i dizajnera Bosne i Hercegovine
 - Udruženje/udruga BH novinari
 - Komora medicinskih sestara-tehničara Kantona Sarajevo
 - Sindikat srednjeg i visokog obrazovanja, odgoja, nauke i kulture BiH – Kantonalni odbor
 - Akademija nauka i umjetnosti BiH
 - Koordinacija boračkih udruženja Kantona Sarajevo
 - Udruženje filmskih radnika Bosne i Hercegovine
 - Udruženje Redateljica i Redatelja u Bosni i Hercegovini
 - Udruženje poslodavaca Kantona Sarajevo
 - Privredna komora Kantona Sarajevo
 - Asocijacija socijalnih radnika Kantona Sarajevo
 - Asocijacija snimatelja i snimateljica u BiH
 - Udruženje/Udruga preduzeća/poduzeća komunalne privrede/gospodarstva u Federaciji Bosne i Hercegovine
 - Internacionalna akademija nauka i umjetnosti u Bosni i Hercegovini
2. Članovi Odbora će do 19.12.2022. godine, putem e-mail adrese pisarnica@sarajevo.ba, predložiti i druge subjekte kojima će se uputiti Javni poziv.

Ad 7) Tekuća pitanja

Poslije diskusije, te sažetka predsjedavajućeg, Odbor je jednoglasno usvojio sljedeći **zaključak**:

1. Članovi Odbora će, u skladu s usvojenom dinamikom rada Odbora, planirati svoje vrijeme s namjerom da redovno učestvuju u radu sjednica Odbora, a s ciljem da Odbor radi u punom sastavu.
2. Članovi Odbora, načelno, utvrđuju da će se sjednice Odbora zakazivati u dane u skladu s usvojenom dinamikom (osim ponedjeljkom i petkom), s početkom u 15.00 sati, te da će se konkretan termin utvrđivati, na kraju svake sjednice, za sljedeću sjednicu Odbora.

PREDSJEDAVALJUĆI ODBORA

Adi Škaljić, s.r.

Na osnovu člana 15. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22 i 49/22), Odbor za dodjelu „Šestoaprilske nagrade Grada Sarajeva“, na sjednici održanoj dana 05.12.2022. godine, donosi

POSLOVNIK
*o radu Odbora za dodjelu „Šestoaprilske nagrade Grada Sarajeva“
u 2023. godini*

I OPĆE ODREDBE

Član 1. **(Predmet)**

Ovim Poslovnikom se uređuje način rada Odbora za dodjelu „Šestoaprilske nagrade Grada Sarajeva“ u 2023. godini (u daljnjem tekstu: Odbor), način razmatranja kandidatura i glasanje, tajnost rada Odbora, i druga pitanja, a u skladu sa Odlukom o uslovima i načinu dodjele „Šestoaprilske nagrade Grada Sarajeva“ (u daljnjem tekstu: Odluka).

Član 2. **(Prava i obaveze članova Odbora)**

Svaki član Odbora ima pravo i obavezu da prisustvuje sjednicama Odbora i da ravnopravno učestvuje u njegovom radu.

II DJELOKRUG POSLOVA KOJE VRŠI ODBOR

Član 3. **(Djelokrug Odbora)**

(1) Odbor vrši sljedeće poslove:

- a. bira Predsjedavajućeg i zamjenika Predsjedavajućeg Odbora,
- b. usvaja Poslovnik o radu Odbora;
- c. usvaja i upućuje Javni poziv o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2023. godini (U daljnjem tekstu: Javni poziv), putem sredstava javnog informisanja i na službenoj stranici Grada Sarajeva, u trajanju od 45 dana;
- d. predlaže i utvrđuje spisak afirmiranih strukovnih udruženja od značaja kao i sindikata iz oblasti u kojima se Nagrada dodjeljuje (privrede, nauke i obrazovanja, kulture i umjetnosti, sporta, zdravstva i socijalne zaštite, drugim oblastima rada i stvaralaštva, bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine), a iz kojih dolaze članovi Odbora;
- e. usvaja dinamiku održavanja sjednica, a u skladu s dinamikom aktivnosti u pripremi sjednica Gradskog vijeća;
- f. utvrđuje dinamiku objave javnog poziva u sredstvima javnog informisanja;
- g. određuje se o blagovremenosti i potpunosti prijedloga, te usvaja listu prijedloga za kandidate za dodjelu „Šestoaprilske nagrade Grada Sarajeva“ (U daljnjem tekstu: Nagrade) koji zadovoljavaju uslove propisane Odlukom, odnosno Javnim pozivom, posebno za pojedinačnu Nagradu, posebno za kolektivnu Nagradu; uz određivanje oblasti u kojoj je predloženi kandidat dao najveći doprinos ukupnom razvoju, odnosno promociji Grad Sarajeva;
- h. nakon razmatranja i izjašnjavanja o predloženim kandidatima, Odbor utvrđuje prijedloge za po dva prvorangirana kandidata koji se upućuju Gradskom vijeću na konačno odlučivanje, i to posebno za pojedinačnu, a posebno za kolektivnu Nagradu, ako su bila dva ili više prijedloga, u suprotnom, za jednog kandidata, ako je jedan kandidat dobio podršku većine od ukupnog broja izabраниh članova

Odbora, odnosno, ne utvrđuje prijedlog odluke, ako niti jedan predloženi kandidat nije dobio podršku većine članova Odbora;

- i. Odbor podnosi Gradskom vijeću izvještaj o radu Odbora sa utvrđenim prijedlozima odluka o dodjeli nagrade za kandidate iz prethodnog stava ovog člana Poslovnika, u potrebnom roku, utvrđenom dinamikom rada Odbora.

III NAČIN RADA ODBORA

Član 4.

(Sazivanje prve sjednice Odbora)

Prvu sjednicu Odbora saziva Predsjedavajući Gradskog vijeća Grada Sarajeva.

- (1) Poziv za prvu sjednicu Odbora upućuje se članovima Odbora najmanje tri dana prije održavanja sjednice.
- (2) Članovima Odbora se, uz poziv, dostavlja prijedlog dnevnog reda i odgovarajući materijali.

Član 5.

(Izbor predsjedavajućeg i zamjenika predsjedavajućeg Odbora)

- (1) Na prvoj sjednici, Odbor bira Predsjedavajućeg i zamjenika Predsjedavajućeg Odbora.
- (2) Predsjedavajući Odbora, odmah, po izboru, preuzima dalje vođenje sjednice Odbora.

Član 6.

(Djelokrug predsjedavajućeg Odbora)

Predsjedavajući Odbora stara se o primjeni ovog Poslovnika, izvršavanju zadataka u rokovima utvrđenim dinamikom pripreme i održavanja redovne i Svečane sjednice Gradskog vijeća Grada Sarajeva u povodu 6. aprila – Dana Grada Sarajeva, kao i o ostvarivanju prava i obaveza članova Odbora.

Član 7.

(Sjednice Odbora)

- (1) Odbor radi i punovažno odlučuje na sjednici na kojoj prisustvuje većina članova Odbora.
- (2) O pripremanju i organizovanju sjednica Odbora stara se Predsjedavajući Odbora.
- (3) U slučaju odsutnosti Predsjedavajućeg Odbora, zamjenjuje ga zamjenik Predsjedavajućeg Odbora.

Član 8.

(Sazivanje sjednica Odbora)

- (1) Sjednice Odbora zakazuje Predsjedavajući Odbora.
- (2) Poziv za sjednicu Odbora upućuje se članovima Odbora pet dana prije održavanja sjednice, a izuzetno, Predsjedavajući može sazvati sjednicu Odbora u roku kraćem od pet dana te dnevni red za ovu sjednicu može predložiti i na samoj sjednici.
- (3) Članovima Odbora se, uz poziv, dostavlja i prijedlog dnevnog reda, odgovarajući materijal i zapisnik sa prethodne sjednice.

Član 9.

(Dnevni red sjednice)

- (1) Predsjedavajući Odbora predlaže dnevni red sjednice.
- (2) Članovi Odbora mogu, na sjednici, predložiti izmjene ili dopune predloženog dnevnog reda, s tim što su dužani da obrazlože svoj prijedlog, o čemu odlučuje Odbor.
- (3) Dnevni red sjednice donosi Odbor.

Član 10.

(Zapisnik o radu sjednice Odbora)

- (1) O toku sjednice vodi se zapisnik.

- (2) Zapisnik sadrži osnovne podatke o prisustvu na sjednici, učesnike u diskusiji, zaključke o pitanjima koja su bila utvrđena dnevnim redom, odnosno zaključke o određenim proceduralnim pitanjima u sklad s ovim Poslovnikom i rezultate glasanja.
- (3) Zapisnik potpisuje Predsjedavajući Odbora.

Član 11.
(Glasanje)

- (1) Odluke Odbora se donose većinom glasova ukupnog broja članova Odbora.
- (2) Odbor odlučuje o svim proceduralnim pitanjima i usvaja zapisnike o radu sa prethodnih sjednica javnim glasanjem na sjednici Odbora.

IV POSTUPAK ZA UTVRĐIVANJE KANDIDATA ZA DOBITNIKE „ŠESTOAPRILSKE NAGRADE GRADA SARAJEVA“ U 2023. GODINI SA POSTUPKOM GLASANJA

Član 12.
(Prva sjednica Odbora)

Odbor, na **prvoj sjednici**, bira Predsjedavajućeg i zamjenika Predsjedavajućeg Odbora, usvaja Poslovnik o radu Odbora, donosi dinamiku rada Odbora, usvaja tekst javnog poziva i utvrđuje štampane i elektronske medije javnog informisanja u kojima će se objaviti javni poziv sa dinamikom objave, kao i spisak afirmisanih udruženja od značaja te sindikata kojima se upućuje javni poziv za predlaganje kandidata za dodjelu Nagrade, u skladu sa Odlukom.

Član 14.
(Druga sjednica Odbora)

Stručna služba za poslove Gradskog vijeća, članovima Odbora, na **drugoj sjednici**, uručuje materijal sa pristiglim prijedlozima za kandidate za dodjelu Nagrade, sa naznakom oblasti za doprinos predloženog kandidata kako je to istaknuto u pristiglim prijedlozima.

Član 15.
(Treća sjednica Odbora)

- (1) Na **trećoj sjednici**, Odbor se određuje o tome jesu li dostavljeni prijedlozi za kandidate za dodjelu Nagrade, blagovremeni i potpuni u skladu s Odlukom, odnosno Javnim pozivom, te utvrđuje liste predloženih kandidata za koje su podneseni blagovremeni i potpuni prijedlozi, posebno za pojedinačnu, posebno za kolektivnu nagradu, raspoređenih po oblastima u kojima su kandidati dali najveći doprinos ukupnom razvoju, odnosno promociji Grada Sarajeva.
- (2) Ukoliko Odbor ocijeni da je predloženi kandidat dao veći doprinos ukupnom razvoju, odnosno promociji Sarajeva, u drugoj oblasti u odnosu na onu za koju je predložen, Odbor može tako i odlučiti i pridružiti imenu kandidata drugu oblast.
- (3) Nakon donošenja konačnog rasporeda prijedloga za kandidate po oblastima: privreda, nauka i obrazovanje, kultura i umjetnost, sport, zdravstvo i socijalna zaštita, i druge oblasti rada i stvaralaštva, Odbor, većinom glasova (sedam), za svakog predloženog kandidata pojedinačno, odlučuje je li prijedlog podnesen u propisanom roku i je li potpun, a prema kriterijima iz Odluke, odnosno iz Javnog poziva.
- (4) Na osnovi dobivenih rezultata pripremu se glasački listići za drugi krug glasanja i to posebno za pojedinačnu, a posebno za kolektivnu nagradu.
- (5) Članovi Odbora preuzimaju glasačke listiće za drugi kug glasanja.
- (6) Članovi Odbora samostalno razmatraju prijedloge te se o predloženim kandidatima, na glasačkim listićima, u prvom koraku, određuju tako da svoj glas, zaokruživanjem broja ispred predloženog kandidata, daju predloženim kandidatima za koje cijene da je njihov doprinos vrijedna razmatranja za

dodjelu Nagrade. Prijedlozi za kandidate koji poslje takvog izjašnjavanja dobiju većinu glasova članova Odbora, dalje se razmatraju za konačno utvrđivanje prijedloga za dodjelu Nagrade.

- (7) Ispunjene glasačke listiće iz stava 6. ovog člana, članovi Odbora uručuju na četvrtoj sjednici Odbora.
- (8) Izuzetno, ukoliko je zaprimljen premali broj predloženih kandidata, prosvest će se samo postupak drugog koraka drugog kruga glasanja iz ovog Poslovnika, o čemu odlučuje Odbor svojim zaključkom pri prijemu prijedloga za kandidate za dodjelu Nagrade.

Član 16.

(Četrta sjednica Odbora)

- (1) Na **četvrtoj sjednici** Odbor, na prijedlog Predsjedavajućeg Odbora, formira Komisiju za brojanje glasova (u daljem tekstu Komisija) sastavljenu od tri člana Odbora. Zadatak Komisije je da izvrši brojanje glasova i podnese Odboru izvještaj.
- (2) Komisija za brojanje glasova, preuzima dostavljene glasačke listiće, pregleda ih i evidentira broj dostavljenih potpunih glasačkih listića; evidentira broj važećih, odnosno nevažećih glasačkih listića i evidentira koji su predloženi kandidati dobili natpolovičan broj glasova članova Odbora i to posebno za pojedinačnu, a posebno za kolektivnu nagradu, te podnosi izvještaj Odboru.
- (3) Uz izvještaj, Odboru se dostavljaju i glasački listići za sljedeći korak glasanja i to poseban glasački listić za predložene kandidate za dodjelu pojedinačne, a posebno za dodjelu kolektivne nagrade. Na glasačkim listićima su istaknuti predloženi kandidati koji su u prvom koraku drugog kruga glasanja, dobili natpolovičan broj glasova članova Odbora.
- (4) Po donošenju izvještaja Komisije za brojanje glasova, članovi Odbora preuzimaju glasačke listiće za drugi korak drugog kruga glasanja.
- (5) Članovi odbora samostalno razmatraju prijedloge kandidata istaknute na glasačkim listićima iz stava 4. ovog člana, posebno za pojedinačnu, a posebno za kolektivnu nagradu, te se o predloženim kandidatima u drugom koraku, određuju tako da uz ime predloženog kandidata pridruže broj bodova i to tako da najveći broj bodova (najveći broj bodova iznosi pola, odnosno jedan više od pola, ako se radi o neparnom broju, vrijednosti broja predloženih kandidata na glasačkom listiću) daju predloženom kandidatu kojeg preferiraju, dva boda manje sljedećem predloženom kandidatu i zatim, po jedna boda manje svakom sljedećem predloženom kandidatu, a predloženi kandidat čiji doprinos ocijene najmanje vrijednim, u odnosu na doprinos svih predloženih kandidata na glasačkom listiću, ostaju bez bodova.
- (6) Ispunjene glasačke listiće iz stava 5. i 6. ovog člana, članovi Odbora uručuju na petoj sjednici Odbora.

Član 17.

(Peta sjednica)

- (1) Na **petoj sjednici** Odbora, Komisija za brojanje glasova, evidentira broj dostavljenih potpunih glasačkih listića; evidentira broj važećih, odnosno nevažećih glasačkih listića i evidentira ukupan broj bodova koji je dobi svaki od predloženih kandidata te podnosi Odboru izvještaj. Uz izvještaj dostavlja i konačne liste predloženih kandidata poredanih po broju dobivenih bodova članova Odbora i to posebno za pojedinačnu, a posebno za kolektivnu nagradu.
- (2) Ukoliko po dva prvorangirana predložena kandidata dobiju određeni različit broj bodova, utvrđuju se kao kandidati Gradskom vijeću za ododjelu nagrade.
- (3) Ukoliko dva predložena kandidata na mjestu prvorangiranog, odnosno drugorangiranog kandidata, dobiju jednak broj bodova, Odbor se glasanjem određuje o tome koji od predloženih kandidata će biti prvorangirani, a koji drugorangirani kandidat za Gradsko vijeće (na za to pripremljenim glasačkim listićima, tako što će svaki član Odbora zaokružiti broj kraj predloženog kandidata kojeg preferira).
- (4) Na osnovu izvještaja Komisije za brojanje glasova, Odbor utvrđuje prijedloge odluka o dodjeli Nagrade za svakog kandidata pojedinačno (uz naznaku da se radi o pojedinačnoj, odnosno kolektivnoj Nagradi), te zajedno sa Izvještajem o radu Odbora, dostavlja Gradskom vijeću na razmatranje i konačno odlučivanje.

V TAJNOST RADA ODBORA

Član 19. (Tajnos rada Odbora)

- (1) Rad Odbora je tajan.
- (2) Potpisivanjem izjave, članovi Odbora se obavezuju na tajnost svih podataka o predloženim kandidatima, obavezuju se da ne daju izjave koje će putem medija informisanja biti dostupne javnosti sve do zvanično upućenog prijedloga Gradskom vijeću Grada Sarajeva.
- (3) Na prvoj sjednici Odbora, u skladu sa članom 13. stav 1. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) članovi Odbora potpisuju izjavu koja glasi: „Pod punom moralnom odgovornošću obavezujem se da ću čuvati u tajnosti sve podatke o predloženim kandidatima, sve do zvanično upućenog prijedloga Gradskom vijeću Grada Sarajeva“.

Član 22.

Nakon utvrđenih prijedloga kandidata, Predsjedavajući Odbora može izvjestiti javnost o činjenicama, u skladu s posebnim zaključkom Odbora ili Odbor može zadužiti Stručnu službu za Gradsko vijeće da, u ime Odbora, uputi saopćenje za medije.

Član 23.

Mandat članovima Odbora prestaje usvjanjem Izvještaja Odbora od strane Gradskog vijeća Grada Sarajeva.

VI ZAVRŠNE ODREDBE

Član 23.

Stručne, administrativne i druge poslove za potrebe Odbora vrši Stručna služba za Gradsko vijeće Grada Sarajeva.

Član 24.

Za način rada Odbora, odnosno pitanja koja nisu uređena ovim Poslovníkom, kao i druga pitanja od značaja za rad Odbora, Odbor donosi poseban zaključak.

Član 25.

Izmjene i dopune Poslovníka vrše se na način i po postupku za njegovo donošenje.

Član 26.

Ovaj Poslovník stupa na snagu danom donošenja.

PREDSJEDAVALJUĆI ODBORA

Adi Škaljić